



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

C.

urn:nbn:de:hbz:466:1-14298

B.

C A S V S
S V M M O P O N T I F I C I
R E S E R V A T I,

A quibus Parochi neminem, ci-
tra specialem facultatem, ab-
solvere possunt.

Nterficiens aut verberans Cleri-
cum, si læsio sit atrox, & enor-
mis: perseguens Episcopum,
vel majorem & Praelatum.

Qui aliquo externo signo suam
hæresim prodit, aut Hæreticis, ab Ecclesiâ
damnatis, circa suas perversas opiniones
favet, eosque defendit.

Qui libros hæreticorum scienter legit, aut
domi servat, citra specialem dispensationem.

Qui à Romani Pontificis obedientia, & Ec-
clesiaz Catholicæ unitate, pertinaciter se-
ipsum segregat.

Falsificans litteras Apostolicas, & impediens
jura vel libertatem curiae Romanæ.

Offendens Ecclesiasticam libertatem, ut, qui
infringit & spoliat loca sacra, vel qui con-
tra Ecclesiæ jura & privilegia judicat, aut
Ecclesiasticum bona detinet, alienat, vel aliena-
ta recipit, qui etiam non reddit Deci-
mas.

Religiosus, habitum suum temere dimittens.
Simoniace dans vel recipiens sacros Ordines,
aut beneficium Ecclesiasticum; & quicunq;
suam operam vel consilium interponit, ubi
voluntas est dandi vel accipiendi pro re spiri-
tuali rem temporalem, cum significatio-
ne alicujus pacti expressi vel taciti, in quod
pactum pars utraque consenserit. Quæ Si-
monia realis in rebus Ecclesiasticis benefi-
ciisve commissa, conjunctam haber obliga-
tionem ad beneficia non retinenda, & ad
fructus eorum restituendos; in Ordinibus
vero suspensum reddit illum, qui ordinatus
est, ut non possit ea, quæ sibi sunt Ordinis,
citra specialem facultatem exequi.

Incendiarius, qui publice fuit pro excommu-
nicato denunciatus.

Mislim celebrans in excommunicatione ma-
jori.

Commutans alicui vota, facta de servanda
castitate perpetua, de ingressu Religionis,
de visitando lèpulchro Domini, aut de suf-

cipienda peregrinatione ad Apostolorum
Petri & Pauli limina, vel ad Sanctum Iaco-
bum in Compostellam.

Sepeliens hæreticos, & illis adhærentes in
loco sacro.

C.

C A S V S S I M P L I C E S ,
Q u i ex jure Episcopis reser-
vantur.

HI casus, qui ex jure Episcopis
reservantur, præter excommu-
nicationem majorem, quatuor
sunt.

1. Clerici peccatum, quo in irregularitatem
cadit.
2. De incendiariis dolosis, ante denunciatio-
nem tamen, (nam post eam est Papa-
lis,) atque de iis, qui hoc fieri præci-
piunt, aut auxilium, consilium, ac favo-
rem dant.
3. Est peccatum, cujus causa Laicis olim so-
lémnis indicanda erat penitentia: loco
cujus, temporibus nostris, ii, qui cri-
mén admittunt, aliter, sed severe ta-
men, ad arbitrium Ordinarii, puniri
debent.
4. Est peccatum, à quo antea Episcopus,
iustis de cauſis, peccantem abſolvere
noluit, vel adhuc tibi reservat.

C A S V S S I M P L I C E S ,

Q u i ex consuetudine Episcopis
reservantur.

HI omicidium voluntarium, aut
membrorum mutilatio; à quo ta-
men peccato, neque autor delicti,
neque qui præcepit aut consensit,
absolvi potest, nisi premissa satisfa-
ctione.

2. Crimen falsarii seu falsi, quo non ii solum
obstringuntur, qui litteras aut scripta
falsa supponunt, sed falsi etiam testes,
qui à mendacio contra verum stant, aut
ii, qui rogati veritatem celant, aut per-
juri qui fidem, ac jusjurandum negli-
gunt & violant, aut qui jus ipsum ju-
rando pervertunt.
3. Violatio loci sacri, quod & sacrilegium
appellatur, quo proximus, seu vir ille
fit sine mulier, loco sacro, vel in perso-
na,

na, vel in fortunis lœditur, aut vi ab eadem, quo, ut tutus est, confugerat, abstrahitur; aut cum sêmen humanum voluntarie ibidem spargitur, aut extra; quando cum persona DEO consecrata aliquis fornicatur, idque tum præcipue, cum Monialis vitatur, atque alia id genus quamplurima, ad sacrilegium spectantia: ita ut omne sacrilegium, ex confutudine, sit Casus Episcopalis.

4. Sortilegium, divinatio, incantatio, & id genus alia Magica exercitia, si sint crimina gravia, (quod discretus confessio discernat) quæ, qui admittunt, ut infames, nullum, dicendo testimonium accusandoque, locum habent, & ab Ecclesia exterminantur, nisique resipuerint, perpetuo sunt excommunicandi: quod si in sacris fuerint, dignitate atque honore privari debent.
5. Olim peccatum violantium Ecclesiasticam libertatem, personas aut res Ecclesiæ aggravando, casus Episcopalis erat: sed nunc, per Curiæ sententiam, hujusmodi violatores ipso facto sunt excommunicati, absolutione Sanctæ Sedi reservata; ut videre est supra, in Bulla Cœnæ Domini, excommunicatione 18.
6. Promotio per saltum: ut vocant: ad sarcos ordines, vel ab alieno Episcopo sine dispensatione.
7. Celebratio Missæ in Altari non consecrato, vel absque sacris indumentis, vel alioquin cum Sacerdos non est jejunus.
8. Fornicatio cum Spirituali filia, à se prius baptizata, aut è Sacro fonte suscepta, vel ad Confirmationem conducta, vel ejus Confessione auditæ, vel cum quibusvis aliis à fide Christiana ac religione alienis; veluti cum Iudæis, ac Saracenis & cæteris id genus hominibus.
9. Virginem vi constupravit, vel, post votum simplex castitatis emissum, contrahens matrimonium.
10. Adulteri, Sacrilegi, incestuosus, cum bestiis abominationem faciens, perjurus, falsum dicens testimonium.
11. Parenis filios opprimens, aut quæcunque persona in se vel aliis procurans abortum & sterilitatem.
12. Sacerdos absolvens excommunicatum majore, ut vocant, excommunicatio, vel Hæreticum sine speciali commissione, vel sepeliens usurarium manifestum.

CASVS COMMVNES.

In specie verò sequentes Casus manifesti, non tamen occulti in hac Diœcesi reservati.

Fornicatio cum Filia Confessionis. Concubinatus publicus & vaga fornicatio.

Revelatio Confessionis.

Furtiva suscepio Sacrorum Ordinum sine debita licentia & dimissorialibus ab alieno Episcopo, aut cum Censuris irretitus quispiam, Ordinem suscipit, aut sine Ordinibus celebrat aut ministrat.

C A S V S

Reservati Laicorum.

Matrimonium contractum cum alia, coniuge adhuc vivente scienter aut antequam de morte prioris satis certificetur, aut clandestine initum, non servata forma Concilii Tridentini, Machinatio in mortem Conjugis morte secuta.

C A S V S

Reservati, Clericis & Laicis communes.

Homicidium voluntarium, facto, præcepto, confilio vel consenu delibera-to commissum.

Sacrilegium in re vel in persona.

Incestus cum Consanguineis & Affinibus gradu à Concilio Tridentino determinato.

Adulterium.

Raptus.

Procuratio abortus vel sterilitatis.

Incendium Ecclesiarum, domorum aut segregatum malitiosè factum.

Pollutio Ecclesiæ, Coemeterii, sanguinis vel séminis effusione, violatio immunitatis & libertatis Ecclesiasticæ.

Item beneficium, sortilegium, divinatio, incantatio, cum paeto Dæmonis expreßo vel implicito, & abusus Sacramentorum & rerum Sacrarum ad superstitiones & artes magicas.